

Communicaziun a las medias dals 11 da november 2021

Aertura festiva da la sedia regiunala da la BCG en la regiun da Tavau Claustra

Dus onns e mez suenter l'emprima palada è la construcziun da la sedia regiunala da la Banca Chantunala Grischuna (BCG) a Tavau Plaz terminada. A chaschun d'in di da las portas avertas festivescha la BCG sonda, ils 13 da november 2021, l'avertura ensemen cun la populaziun.

«Tavau survegn ina construcziun nova cun ina plivalur per l'entira regiun, per la populaziun indigena e per ils giasts», declera il CEO Daniel Fust la gronda investiziun da la banca. La BCG stgaffescha en il center da Tavau nov spazi da viver e da lavurar. L'edifizi cumpiglia ultra d'ina banca in restaurant, dus locals da butia e 19 abitaziuns affittadas. Il medem mument ha la vischnanca concepì da nov il plaz d'arcadas sco zona da scuntrada publica. Ils parcadis en la nova garascha sutterrana stattan a disposiziun a la publicitad. Per las locatarias ed ils locataris da las abitaziuns e per la clientella èn avant maun parcadis separads.

Ina banca da cussegliaziun orientada vers l'avegnir

Tavau è l'ultima da diesch sedias regionalas che la BCG ha adattà a las pretensiuns envers ina banca moderna. La construcziun nova s'orientescha al concept da filialas cumprovà da la BCG che sa concentrescha sin ina cussegliaziun senza spurteglis classics. Il sector da recepciun è il punct da contact central en la nova sala da clientella. Las cussegliastras ed ils cussegliastrs sa movan libramain e beneventan directamain las clientas ed ils clients. «Uschia han nossas collavuraturas e noss collavuraturers anc dapli temp per la cussegliaziun persunala», sa legra Christian Meuli, manader regiun Tavau Claustra.

Per transacziuns bancaras simplas sco pajar en e retrair daners stattan a disposiziun apparats multifunzionali. Ordaifer ils temps d'avertura èn disponibels bancomats en la zona da 24 uras. La BCG Tavau è averta da glindesdi fin venderdi, da las 9.00 fin las 12.00 e da las 14.00 fin las 17.00. Discurs da cussegliaziun èn era pussaivels ordaifer ils temps d'avertura e sin giavisch er a chasa tar las clientas ed ils clients.

Ina creaziun da valur en e per la regiun

L'attaschadadad a e la stima per la regiun da Tavau remartgesch'ins er en la realisaziun da la construcziun nova. Per la BCG sco investura e patruna da construcziun èsi stà impurtant d'incumbensar firmas da construcziun ed interpresas artisanalas localas. Per la realisaziun dal project è stà responsabel il biro d'architectura Jüngling und Hagmann da Cuir. «Nus essan fitg cuntents cun il resultat ed ans legrain sin l'avertura», di Christian Meuli ed engrazia a tut las personas ch'èn stadas cumpigliadas per lur engaschament.

Di da las portas avertas ils 13 da november

Sonda, ils 13 da november 2021, a las 10.00 inaugurescha la BCG la construcziun nova cun ina festa. La populaziun è cordialmain envidada da passar sur il «tarpun blau». La sala da clientella ed ulteriuras localitads da banca èn accessibels per tuts. In'exposiziun originala mussa l'istorgia e la reconstrucziun da l'edifizi d'arcadas. Per il bainstar culinaric è procurà: las collavuraturas ed ils collavuraturers servan tratgas e bavrondas indigenas. Er uffants èn cordialmain bainvegnids, «Cornell» ha semtgà bellas surpraisas per ils pitschens giasts.

Contact:

Thomas Müller, thom.mueller@gkb.ch, telefon +41 81 256 83 11

Daniel Daester, daniel.daester@gkb.ch, telefon +41 81 256 88 01

Banca Chantunala Grischuna, Medias & Investor Relations, chascha postala, 7001 Cuir
medien@gkb.ch / gkb.ch/medien

Banca Chantunala Grischuna.

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. L'interpresa cun sedia principala a Cuir è represchentada en 46 lieus en il Grischun. Cun var 1'000 collavuraturas e collavuratur è la BCG ina da las pli grondas patronas en il chantun. Sia attaschadadad cun il Grischun s'exprima en sustegns multifars. Sper sias activitads economicas s'engascha ella cun ses sponsoradis, ses fond da contribuziuns e sias purschidas per lavur voluntara. La BCG dispona da participaziuns da maioritad a la Banca privata Bellerive AG a Turitg ed a l'Albin Kistler AG a Turitg. Il scrit da participaziun BCG è quots a la bursa dapi il 1985.

Termins:

Quint annual 2021: 4 da favrer 2022

Radunanza dals participants: 23 d'avrigl 2022